

沈氏日旦

沈氏日旦

吳越逸民沈長卿幼宰甫著

崇禎二年秋

上韓象雲首揆書

此書拙疏

可石堂上

讀書山

示知

上書

謹啓不慧與老師相益叨年誼之末焉前乙丑
榜第十三人以言官忤江陵歸者卽先子也貴
門人葉友諱震生與不慧同硯席交契廿餘年
癸亥歲曾以拙刻弋說漫呈台覽隨傳台命欲

居
不
時
疾
信

一見之其時不慧被謫補官葉友上體師相憐
才之念篤舊之情下體貧官守候之苦而汲引
其間此誼今人所難乃薦書兩至相府竟不敢
溷瀆起居者求人二字生平報之乙榜遷客雖
非張師德比而敢不以王文正待師相乎後同
籍有仗義者使廉官不費一錢而補閩中臬幕
纔一年有餘無力夤緣卽轉王官罷歸今隱
居白門如矢離弦不復作仕路贅疣矣林下無

求之人以年誼一脉鴻便附書師相幸垂聽焉
恭惟閣下傑邁漢三良齊虞五以不世出之資
事大有爲之 帝天下想望其鴻施此豈依樣
畫葫蘆時耶當今朋友道絕獨四倫延天地間
耳姬公吐握無論卽如張曲江猶有十二歲小
友效其謬謬庸謂以人事君者此也鄴侯相業
全在薦淮陰梁公相業全在薦五龍使魯而太
用展禽豈復有三桓之禍哉是皆臧文仲之罪

也昔人有言呂夷簡在位棄范文正不能利用
甚相業且閣下視今之世治乎不治乎舉世習
氣貪財樹黨而所據皆陳腐策料不中膏肓蓋
主聖時危之秋也所患絕不在虜虜易與耳
非如宋元昊兀術其人者然而大爲國患蓋國
之有兵猶家之有訟世無歲歲訟而家不破者
卽富比陶白能支乎哉費日增訟日屈則訟師
非其人耳仙鄉將種所自出閣下家食有年亦

曾物色幾人如韓岳輩于以報國于以應
平臺之清問乎當今用人之法大異于古古之
人試而後薦今之人薦而後試古之時憑耳目
薦人今之時憑情面憑賄賂薦人古之時薦拔
而僨事者累及舉主今之時遭謗而遷怒者波
及門生古之時鮑薦管蕭薦韓只一人今之時
負贅懸疣如儒童續案如輿隸點名冊古之時
因能授任因地程材今之時六曹流轉四方奔

馳古之時以簠簋不飭爲耻今之時以囊橐不
充爲拙古之時情之所牽猶知有法今之時利
之所在恬不畏死俸實潛開而巧托于破資格
之說真豪傑誓不用也實心任事而妄加以納
苞苴之名真經濟無從顯也便于已者曰此迺
祖制焉不便于已者曰此非祖制也進賢
冠下效刀筆之所爲科目途中蹈貲郎之所不
屑罪同罰異功埒賞殊權散而無所歸財耗而

不敢問以數十年沉陰之氣欲振刷于晷刻以
千萬人茅靡之習欲砥柱于隻身仲尼所云三
年有成直指魯耳在今日卽寬限六年訖無成
期也幸 皇上銳意求理虛席以待師相不惟
臣民望見太平卽 二祖 列宗之靈實式臨
之票擬談何容易指端袞袞萬里升沉筆底絲
綸千秋寵辱此何等擔荷耶閣下正色立朝久
負時望其進退各有本末視天下事如駕輕就

熟何藉藿食杞憂但今民窮財盡而搜括不已
肢體之疾翻成腹心之憂爲人臣者危城而視
爲殛地則理外之心也閣下何術銷人理外之
心而動人以功名中之富貴乎古人有真不願
富貴而周旋君相間不忍捨去者魯仲連李長
源是也此等人非爵祿可致而可以延攬致者
執政能爲 國留神乎今日所以通荃宰之情
者惟有 召對一節倘羣臣耳食聚訟言無可

採動 皇上菲薄儒紳之念未必不復效 神
考之深居靜攝矣他時票擬之權又未必盡歸
政府此國事之大可憂者雖然有吃緊處 皇
上之精神惟憾臣子之墨此自 高皇帝令甲
故六部列銜皆冠以清吏二字今賢相以身先
之追杜黃裳之嫵節挹楊綰之高風則遵 祖
制在是得 君卽在是彈虜亦在是矣人生衣
食所需幾何有楊杜之清先有楊杜之識也不

慧與世無求何敢軟美獻諛亦不敢過爲慙激
之譚伏惟執政休容察納幸甚天下事可言者
多非隱淪所敢及也拙集弋說遽說左燈詩緯
四套奉覽教寄書者爲仙鄉暴給諫之弟亦年
雅也其人可備藥籠與否吐握時當自得之不
敢贅臨楮無任惶悚之至 歲已巳二月長卿
再頓首具

、代黔撫料理黔中狀

天啓癸亥作

臣奉 命撫黔。值奢酋發難。安邦彥宋萬化相繼。陸梁苗仲倏附倏叛。陸廣河失守。而普安又見告矣。無何。安南危若累卵矣。蓋蠻夷之性。叛附靡常。急則僞降。緩則仍訐。彼之愚我者。在降而我之自愚者。在撫。以故。捷音甫聞。敗書隨至。黔中事勢大率蹈此議者曰。百年逋寇。一旦撲滅。黔力豈能獨支。計必滇兵出。曲靖以斷賊臂。川兵出。遵義以扼賊吭。粵兵出。泗城以冲賊肩。

而後可長驅直擣冀得志焉臣以爲此獵家合
圍之技非制虜上猷也自陸廣鴨池兩河潰敗
而賊鋒猖狂苗仲復狡焉思逞圍都勻犯鎮遠
逼遵義朴三十五營于金刀坑虎頭山等處欲
何爲哉彼分以擾之我合以防之彼虛以嚇之
我實以備之我則憊矣春秋時子胥撓楚實爲
此謀卽兵力果雄額餉果贍已非萬全而况青
崖之捷洪邊之勝能贖昔安淪陷之辱否臣有

安南在明

初之人故

固後有

世宗皇帝

策于此安南界萬山中四面賊巢上下懸絕孤
城彈丸而賊趨之非勢窮力蹙爲負隅憑阻計
卽佯攻安南以誘我師之援而厚集其師出吾
不備未可知也莫若委安南以疲賊而徐乘其
困此周亞夫委梁以敵吳之妙筭也梁乃漢帝
親弟視安南且何如哉而不知兵者曰安南何
可不救則當事者且掣肘矣由來蟻聚豕突之
寇利于速戰我持久以俟之則勢漸危解若橫

挑兇鋒與犬羊決一旦之命幸而勝士馬物故
所損實多不幸不勝國威不掃地乎爾不知兵
者曰師老財匱訖無成功則當事者又掣肘矣
古之名將因糧于敵或募民屯田今并斗軍儲
皆仰給縣官自黔達闕不啻萬里之遙能爲
馬腹鞭乎必川粵滇三省額解之需盡存留協
濟以充黔餉然後無乏世宗朝有行之者胡
宗憲總制兩浙不用此以殲倭乎彼所擅支錢

糧蓋七省焉而不知兵者曰冒破難稽利權太重則當事者又掣肘矣臣以爲戡黔亂者當寬其文法專其責成而徐圖于勦撫之外別有廓清之方畧在區區奢安小醜其何能爲不深維永世之便宜而今日請兵明日請帑此月促戰彼月筭餉則遼左覆轍可爲寒心臣謹條列封疆情狀并區畫事宜以候 聖明察納幸甚予旣居白下僧道乞食者對臧獲大言汝主不

德對

神仙
尸解

出見吾必有後悔吾非爲募化來者也不慧虛
心恐有異人交臂相失又恐爲無賴輩所誑書
七字于墻能對者延入相見數年以來無一人
敢溷者七字云何富貴人爲貧賤鬼

程伊川渡涪江風浪危迫舟人皆失色伊川正
襟端坐神氣泰然旣濟有樵夫問焉公是達是
舍伊川欲與言而去遠矣予謂非達非舍不過
迂濶矯鎮焉耳不然樵夫非常人也豈應巧謹

若是

後漢明帝楊后有顛狂疾醫莫能治惟內傅孟
召爲文后喜讀之狂疾頓醒是豈特枚乘七發
能令太子有起色而陳琳之檄能愈操頭瘋已
哉

以爲人假設自雄或上懷才

金主亮南侵說者以爲慕三秋桂子十里荷花
而來乃柳耆卿作望江潮詞所致此說非也又
謂宋君臣南渡以後荒迷于西湖不思恢復亦

卷一 不集

非也胡虜猾夏借此侈口失國播遷聊以遣悶

耳王昌齡詩一齊未立 諸君痛飲一

贊人有識見者曰慧目可也曰具眼則未確予
意具眼卽具臣具員之義雖列雙眸祇備五官
之數而已竟不知古今相延以具眼與慧目等
其故安在 具是五眼乃以

天氣晴爽雲淨月明其色蔚然而藍故杜子美
詩上有蔚藍天垂光抱瑤臺韓子蒼詩水色天

光共蔚藍。宋儒謂蔚藍乃隱語、非可以義理解、穿鑿甚矣。

宋學士蕭真見御製詩、謂可方沈約、雖桂水日千里、因之平生懷、亦無以加也。帝不悅、將人臣比主上、恩遇漸薄。嗟夫、漢文帝自歉不如賈生、唐太宗親摹虞世南書法、皆同朝共時、有相臨之分、而嚮往乃爾、矧異代之君臣、有何關涉、而云爾乎、陋哉、宋帝之見、并忌才俗腸、亦不具而

戰不如隱

隱趣悠然

戰則索然

意味中非

肯也者讀

更事謂

蕭學士因諂獲罪不足憫也

王中郎以圍棋爲坐隱予謂隱字未確盍改爲
坐戰客有以絕技誇魏文帝者但低首用葛巾
角拂棋子運動局中並不用指卽改手談爲首
談亦可

筮龜皆自己精誠所結也筮瀆不告龜厭不告
易詩舉以爲戒古人齋戒衣冠澄神定慮然後
敢問吉凶今之時固無司馬季主管輅而于飲

食猥雜之際呼日者隅坐一占而四五事一卜而六七人以術爲戲已則褻侮而咎其不驗鬼神寧不懟且弄之

夢溪筆談載鄱州紫閣有詛呪人死者初以熟肉變生肉旣以生肉變活肉凡所食牛羊雞猪悉還本形而小再呪之則漸大又呪之則復熟令人食之腹裂而死必以金帛求解訊其呪詞但云東方王母桃西方王母桃二句已耳其他

但道其所欲更無他術。此說非也。畢竟另有呪語。蓋奸宄雖垂死。誓必秘其術而不洩。折獄者非令面試以伏其辜。則人心不醒。今時私雕假印者。亦必令當堂面試。不然恐後開辯竇。且恐誣陷人者。致有覆盆也。汀州歸化縣有金蚕蠱。直指審錄案卷犯証具存。秦令君爲予言之。維揚屬邑近江山間者。居民獲一巨鼃二十餘人。舁至家不能進戶。置馬廐中。時已暮矣。明早。

齊往視則虎蹲其上矢石交加兀然不去細視之則虎脚爲鼃所噬相持良久衆前刺虎斃刀斷虎脚將欲瓜分鼃一老者倡議此虎素爲民患鼃寔有功何忍噉之衆皆首肯但瓜分虎肉仍舁鼃放之江中此得于傳聞者因紀之

古人謂金帶一腰今人謂之一條皆未妥莫若謂之一圍一束其名乃當

西江中有兩山牙峙因號大者爲大孤山小者

爲小孤山後人訛孤爲姑因塑像祠焉紀異志
怪者因飾爲禍福婚媾之說種種駭聽夫塵世
謊言誕論已不勝詰矧幽冥悠謬何所憑証而
定其虛實哉

小孤山志云即大姑山傳記不實

古人用材雖盜賊奴虜亦不捐棄况刑餘哉故
孫臏以刑典季布以髡顯狄青以黥奮不但縲
紲罪人居然爲聖壻也後世則不然微青永錮
失先王用刑之初意故肉刑可施于古不可施

于今子曾有復肉刑之說。特少年偏見耳。書此糾之。

諭俗歌

天啓乙丑署福清印戲作

士民雖願沈公留。沈公苦楚堪啼哭。縣堂隔遠不親民。緊要告示俱藏蓄。當班衙蠹掣籤呼上名。下名盡埋伏。原被紛紛催出牌。惡差賄延不帶鞠。代庖八旬審甘詞。安得羨餘來積谷。城中比卵無一來。流言火耗要加六。公文私折擅承。

行縣官到底不經目前官審單已一年招不送
看稿不錄上司未了四百宗每日催牌如火速
申詳紙贖久瓜分新叅庫吏情忙促試卷從來
用印鈴合堂跪稟舊例不積書中有九尾狐弄
得衙門如地獄梟快半是兩頭蛇我無辣手愧
孫叔指官驢騙壞聲名甲頭直堂何太毒沈公
心跡却雙清城隍誓詞須一讀豺虎縱橫五百
餘盡靠衙門資養育不勝責華任安排恐見夜

又食人肉所以沈公初到時陡生發背憂無祿幸得錢糧自己叨徵收解給無滲漉從前冊籍亂如麻日久難分石與玉半言虛謊受天誅變作猪鷄受屠戮不如及早賦歸歟束裝辭印赴他逐心血枯乾損壽元寧可回家餐薄粥士民且聽沈公行行後焚香對天祝吾亦爲汝禱蒼天早選清官來賜福。

攝融四十八答

或問衙役出來無良故稱衙蠹子偏崖異福清者何答曰山川正氣邪氣旺氣滯氣分注于民而成善惡卽化國亦有匪獍但他邑諸惡散布于市于郊于遠方而福清豺虎蝮蝮鴟梟羣聚于吏書皂快以食民爲生涯以弄官爲衣鉢故可駭可異耳

或問福清錢糧較他邑倍加拖欠其病根安在答曰拖欠病根不專在百姓鄉紳儒學亦不專

在保家管催尤在糧戶房書手、

或問保家云何答曰郊野之民東西南北分爲六隅隅民進城納錢糧者投宿寄食處卽爲保家蓋保其人而卽保其銀也初意望保其所欠者代輸于官流弊反保其所完者侵收于已保家之貧難者駝用錢糧以糊口度日保家之饒裕者駝用錢糧以置產放債貧難者僱人比卵受責猶驛遞之有招募夫饒裕者多畜家僮輪

比猶驛遞之有養膳夫卽按其限數多寡而掣
籤筭之如木擊石痛癢不開如刀截風鋒鋸何
試攝融者遇保家而徵收之法窮。

或問管催云何答曰管納戶而催其錢糧每一
人轄十餘戶卽賦役冊所載機兵是也又稱爲
快手卽皂隸亦充管催焉管催有上下兩名官
不能一一識認其面兒慙十居其五比卯時納
戶不至方責保家保家不至方責管催管催又

不至則掣籤標牌拘之其不至之故有兩或欠多懼責而不至或納戶已交銀于保家保家已交銀于管催偷懶而不必至惟管催不到則實寔拖欠真真侵用別無辯竇然管催之奸頑誰不知之而納戶甘以國課授彼無良爲身家累何也其故亦有兩保家作弊爲管催所窺所挾而合同瓜分則無他虞納戶畏管催攪擾索酒求食無厭而卽以官銀餌之省已私費因暗收

沈氏日旦

卷七

十六初集

私票以致課輸而簿不登上名下名輪流替責也。攝融者遇管催而徵收之法窮。

或問糧書戶書云何答曰糧書大獎有四而貼浮票不與焉其一在洗補總數如人戶趙甲每歲該納銀九十五兩神奸洗補九字改作三字卽趙甲一戶歲逋六十兩矣其一在加添細數如印信收票錢乙僅納銀九分五厘而比較簿上神奸加添作八兩零九分五厘矣其一在那

移姓名據印信收票玄字二千七百四十號係
孫丙納銀五兩一錢而神奸登比較簿開註李
丁所納則孫丙完課者反受責而李丁逋額者
反逃咎矣其一在捏造虛數或查印票但滿黃
字三千號而神奸爲周戊作弊鬼開黃字四千
零四號周戊納銀三兩矣至于不許貼浮票必
要實填欠數以便比較此法自以爲巧禔發奸
胥一冷笑耳攝融者遇糧書戶書而徵收之法

窮

或問糶書戶書作姦但爲納戶比較計何必弄
彌天之局况錢糧有保家管催分轄又有里長
收入櫃中彼不經手作姦何爲答曰初時不慧
亦抱此疑旣而訪得此邑情狀凡納戶之狡黠
者保管之侵收者與積胥陰相授受通同作姦
或所納實八九錢而翻以一二兩收也或所納
實八九色而翻以紋銀廣法收也如人吻渴不

及擇水稱貸無門甘負國課積書弊久欠多計
出無柰作此神姦所以天啓元二三年錢糧逋
至二三萬莫可問也

或問分單之法于徵糧甚便自糧房戶房變亂
成法以故近年逋欠特多子何不復舊乎答曰
代庖者席不暇煖予自度能終其局乎此在巨
室主持新令擔當可也

或問倉巡候缺者係屬官閒而無事可分命各

沈氏日旦

卷七

十八初集

隅催徵否答曰只完得屬官之事耳古人所謂
厯長立而馬益癯也祇多一番騷擾無絲毫益
况此官去後反得藉口委咎

或問他邑皆有數千銀兩鎮庫惟福清庫如洗
甚至隨徵隨解累月無半鎰存積空空絨鎖亦
怪矣哉答曰攝官晝勞于案牘催科夜復憂大
盜劫帑不如無生今幸得濃睡到曉亦苦中之
樂也

或問清弊之法云何答曰有清弊之法無清弊
之人第一須青年甲科蓋世情所重者世路卽
可騁也第二須清操第三須神識第四須上位
相信然四者之中信上爲難不相信則催科急
而以爲要火耗也。比較嚴而以爲板頭重也。影
響于貪酷二字以中傷循良者。予所見多矣。故
曰有清弊之法無清弊之人

或問予所論者人予所詢者法也假令有其人

矣。法安施乎？答曰：一人自有一法，不相沿襲等單父而子賤，巫馬期勞逸懸矣。然單父皆治元祐新法，只可荆公自行，他人行之，故決裂耳。況法立弊生，經世者不輕以術告人，猶刺繡家鴛鴦可看，金針不可度也。

或問錢糧之弊畧聞命矣，敢問事件難完其故安在？答曰：在關提院司道府批一紙于侯官縣，其原告趙甲蓋福清人而冒侯官籍也。侯官因

行關于福清提犯而原告趙甲匿侯官作負嵎之虎其被告錢乙就縛而轉解則遊釜之魚也賄脫而莫拘則疑弓之鳥也無端無因平地風波而牽連孫丙則以肆其詐害有仇有隙異地勾攝而坑陷李丁則以暢其報復于是蛇蝎之差豺狼之快指張元爲章元扯周豐作周奉而民不得安飽其賄則扭生作死憾其慳則捏鬼爲人而民不得安縣官千辛萬苦拘得幾犯具

批解訖未出國門而犯已賣放矣批已沉匿矣
本府他邑催牌火急仍復另具文起解到彼當
堂討保而原告趙甲藏匿無踪不出對理矣日
久費盡或值農忙所解犯只得逃婦本縣而原
告趙甲隨即出頭催審矣催牌又復兩注罪經
承吏書矣竟不知所謂原告趙甲者烏有先生
乎抑實有是物乎八閩生靈無一日獲安枕皆
關提之爲害也

或問緊要事件必須關提可概廢乎答曰予鄉
惟人命強盜兩大獄方用關提小訟則否然亦
原告同衙役潛往僱覓黨援以防搶奪人犯先
偵後擒先擒住真正人犯然後奔入縣堂殺進
關文將犯收監另日回文關復不似此處以關
爲利以關爲戲也

或問原告初詞亦以人命強盜粧頭聞官能洞
察乎答曰初雖不知僉牌後知爲冒籍則詭詐

已畢露矣。小事卽請註銷。大事卽請改批。及至改批而原告氓。滅無宗。卷牘經年莫結。凡改批本縣者。必先將原告監禁于此。以候其守提則案得早結。而謊狀自稀。此要訣也。

或問官之廉污不齊。智愚不等。倘有冤抑未雪。必須他邑別館。互相訊鞫。以糾其錯悞。斯爲平明之治。子言得無膠乎。答曰。察吏安民。非兩事也。安民卽在察吏之中。試以福清論。令而賢耶。

由他蜚語流言如過耳之風卽詞狀中有賄寢
勢滅等語。中傷循良處。兀然不動。則土豪宦幹
訟師學霸窩家等氣短矣。一切詞訟悉依擬而
不苛駁。悉專任而不旁批可也。令而不肖耶遠
彈去之難以旦夕少緩而斤斤于詞訟間掣肘
之無是體也。若疑其賢又疑其不肖爲奸頑所
窺則邑中遂多事矣。惟人命強盜不嫌詳慎卽
包孝肅爰書還當再推敲耳。

或問刁民越訴最畏批本縣其說何居答曰爲
令者蒞政半載則邑情曉暢如駕輕就熟其所
判斷未必差謬刁民避之如狐精狗怪偏畏當
境神祇而不通世故者以爲彼官判斷未能服
人咸願質成于我沾沾自多此刁民所得志而
竊笑也

或問上司批詞至福清而寢閣如石沉海何以
令爲答曰印官問解一批有七求焉初求該房

出牌。次求快手提犯帶審。三求該房做招送稿。四求膳清送印。五求拘集犯卷起解。六求該房出發落單。七求皂快徵追紙贖。求之畧緩便拖延月餘。然七求之中。惟帶審追贖貳事極難。牌出數月杳無一犯到官。票發經年絕無半鏹入庫。因此七求爰生四異。上司原批詞狀僅八犯。而本縣拘犯之牌或添出三名。或減落二名。與原狀不對一異也。乘官忙迫。不暇簡點所立之

沈氏曰曰

卷七

三三初集

案與所申之文不對冊書又與文書不對二異也。或但解原告而不解被告。或但解被告而不解原告。或但解卷而不解犯。或但解犯而不解卷。三異也。奸胥又于舖中私折公文。匿藏上司批狀。不使承發房知。併不使印官得見。而以舊時所盜漏印票擅動硃筆。私自詐人在上司催牌火急。以爲年餘不報。而該縣實不與聞。四異也。

或問經承亦畏比較乎答曰不畏比較時僱人代責若欲革除僱比之弊須本縣送比時面試筆跡蓋印于字上比時對驗筆跡相同方是正身庶稍知畏乎

或問吏畏革前程乎答曰不畏已革之吏數載後上下司俱離任俱係新官延平府將樂縣移關福清縣有本縣工房吏某曠役兩年查係原籍福清逃回已久今特差役守提福清縣行查

沈氏曰旦

卷七

壬酉初集

回文某吏果患瘋疾在家未痊容愈卽解二邑印信移文可憑三考前程依舊無恙人人如是箇箇皆然誰爲仇家而挾且首哉

或問印如何盜答曰用印時不許稟事此恒譚也多役圍繞以遮其目亦末着也喫緊處在各房所送僉大套中插入然插入在出私衙詣後堂之頃門子手中捧套而奸胥乘機插入也破之有兩法或仍於內衙只一吏一書當面用印

不許多役圍繞。一法也。或佯爲不知俟其漏去而仍送案前復閱搜摘其弊以示神明亦一法也。

或問子不輕易僉牌亦有說乎答曰有三說焉。止司詞狀本縣詞狀雖神君豈能盡記僉牌時必該胥送原詞逐一與牌查對庶有名之犯不致賄漏無名之犯不致牽陷况此輩奇奇怪怪儘有駕空捏虛造出原奉某司某道批詞而騙

官悞僉者百姓不知見有印票拘挈卽受索詐其說一也新官初任亂僉舊牌紛出擾民蓋進賢冠下纔親簿書不知緩急自露精明反助奸胥奸快詐局能酌之寢之積德修名所關匪細其說二也寺租魚課等錢糧或經手徵收者本拖欠三百一十兩而印官行牌催督顧云何以尚拖欠一百三十兩奸胥通同舞文視儒紳如木偶名曰催牌實爲罪員罪役立一公據而侵

匿一百八十兩正額苟非真知灼見數目的確
安敢茫昧混僉其說三也

或問子每以硃筆印示貼于民間又躬臨親驗
其意何居答曰融邑堂遠與民居隔絕衙
牆太歲指官駢驅每將要緊告示藏匿不
粘俟本官乘轎出衙佯以磚石壓于鹿角之上
轎過仍復藏匿小民何由得知十吏一心百書
合志千快同謀令融者深居官署如孤陽陷沒

于羣陰之中親貼告示萬非得已然不貼于公所而貼于百姓門柱有深意焉神君可默會也或問子不輕批執照不輕給告示其意何居答曰執照者其事已經審結恐後來挾仇無憑請卷未便故批與印信執照以杜後患若事未經審誰是誰非不諳顛末故弗批也告示者官之命令或爲地方公務或爲緝紳學校體面非一身一家之私也若人人象魏箇箇章程卽日給

千紙猶未周遍故弗給也

或問子不喜聞通倭二字有說乎答曰閩民以海爲田以舟爲錫捨姓命于風濤盜賊之中以規子母幸而得濟棍徒刁詐挾告忍乎不忍乎此仁人長者所隱也

或問販米者欲給批文遠征此亦救荒之策而子不慨允者何答曰此輩若詣楚糴惟恐其不速往也仍于本省鬻販大率私自接濟海寇如

遇官兵擒獲則以縣批爲解幸而無恙袖手空歸更詣縣立案我廳入海洋遭逢大盜米劫去烏有也故不輕給批文而省下米舖專一遏糴與福清爲仇亦不通之論也

或問直堂吏書作奸如何樣作答曰察官所問過事情後訟有相類者揣摩曲直勝負而騙原被犯此一訣也或佯爲異調而暗則協黨張吏李書各左袒一犯未知誰勝勝則所騙之贓彼

此均分此又一訣也

或問子朔望詣城隍廟行香畢讀燒誓文而此輩猶能播弄乎答曰閩中風俗健訟好勝然亦無大贓使用不過十金内外耳人命重情賍踰百金之外據犯人本心與其明捐八金求人囑託寧暗費十六金倩直堂吏或甲頭或庫吏代送與官則體面光彩此受病之根也以故衙蠹乘其危急而騙誘之曰官之誓文祇粉飾以欺

人耳如某犯劫殺事某吏過臚若干某犯打死
兄命事某書過臚若干皆我所親見者如不信
問保家保家曰然再不信問門子門子曰是鄉
民愚極能自持乎如蛛結網暮夜蚊自投入無
空過者故誓神文不得力也

或問誓神文試一誦之我今諦聽答曰福建按
察司照磨沈遜謹昭告于福清城隍之靈曰遜
以愚慙下吏承乏攝篆于茲土也凡有錮蔽賴

神啓之凡有靡弱賴神振之當今人心不古百姓好說官長要錢衙役謊稱老爺托我或云此官外清內濁或云此官初清後濁然此可欺士民罔上位而能逃神鑒乎雖然逃生長宦家難甘澹泊愧不能與世無求至於聽訟自當冰清玉潔暮夜之金吾知免矣嗟乎邑令秩卑權重舉筆生死轉念哭笑此際稍有污邪鬼神肯容我否思及此而名節之說小矣官之有無去留

又小矣今與神約卑職係血肉軀而神明非土木相也倘聽訟有錯悞處必神之陰騭未到如卑職食言自欺併以欺神神其殛之謹奏每朔望擇語音清亮之吏高聲朗誦于神前卽燒入爐內使通邑盡知

宣國和生不學用史

或問明民之法至誓神極矣猶不見亮則如之何答曰治怪疾者必用竒藥吾有術于此特雕城隍神小像長尺餘供于法堂拈香禮拜而後

聽審以絕羣疑悠悠之口庶少緘乎

或問墨吏必用狡黠者爲腹心爪牙循吏亦用
機警者以備採訪子有之乎答曰閩俗與浙迥
異浙之衙蠹媚官以害民間之衙蠹朋黨以侮
官此邑自吏書至皂快凡四五百名無一人願
得官之驩心者如初進良心未喪間吐一公道
語卽爲輿論所不容受官笞責不啻廷杖之榮
荷官獎借奚翅市撻之辱故攝融者動而掣肘

每遡爲書生時執筆行文有迎合貢諛等語今爲八閩賤吏而追繹之皆嚙語也

或問人多傳舍其官子代庖者何必認真廼爾答曰有不得不怒之勢他人作弊惟恐官知福清人作弊惟恐官不知試枚舉焉禮房吏翁廷鍊僞寫硃票僉快手鄭安姓名于舖戶李仁處支紅燭九斤旣而翁廷鍊執票銷筭卽以自己僞票襍于官票之中希圖混冒雖卽時發覺追

償其價而設心頗奇衙役乘機流言這官白取民燭不肯給價反要禮房賠銀怪乎不怪乎

或問福清學田約千餘畝半塉半腴皆爲土豪陰占而不敢詰有諸答曰何必福清向予在永定時縣有租百餘金原爲邑令公費者沉沒已久官不敢問至于藩司公署則孝廉踞爲書院前令生祠則生員占爲已業大通橋租不輸于縣而輸于豪右閩中如此者多故予嘗謂福建

沈氏日旦

卷七

三上初集

當與四川雲貴一樣設立土官而以我輩作流官可也

或問催比錢穀刑名子不喜標牌而喜立簿者何。答曰標牌則散爲千百而其權下操難以糾集。立簿則彙成咫尺而其權我握易于清查。况遣皂拘快如用狼擒虎無絲毫益。不過以飛籤火票爲媒。又索詐幾許青蚨耳。故予常戲云此籤此票只完得你的事。不曾完得縣事。亦真實。

語也、

或問移文立案如吏農納叅歲貢武舉給由之類無甚關切緊要而猾書重叠混冒固已異矣予如此搜剔獨精予所未解答曰此無利可射不過欲試官昏否耳姓名同也一事兩批一人兩案不幸而敗露則哓哓辯云同房人不相照首無心之悞也卽有神君默思此何利之有規避去矣幸而不覺察哄得落手則騙詐犯人將

沙田 卷十 三三三
所批所印作公據以爲官昏如是我們儘可弄
權况因此而騙得印信封筒又可他用未爲失
筭予所以稔留神也

或問呈詞稟帖皆寫今月而不實開正二三四
月何也答曰專爲將來辯竇計也夫豈惟十月
可混于五月夫豈惟景泰可混于洪武卽指爲
宋熙寧元祐之今月可也卽指爲唐開元天寶
之今月可也卽指爲漢神爵五鳳之今月亦可

也

或問此輩開寫錢糧不結總數。何意答曰結總則有稽查。有稽查則難作奸犯科。如精明者詰之則曰倘後續增。難以銷筭。故不結也。

或問他署卷案。蠅集手不停批。子攝劇邑而晏閒。如是必羣汲臥。何術致之。答曰此子耕心田處也。虎快詐腹未飽。賄延不到。每遇比較日久。畏責通同。該房復僉一牌。而官不覺也。比時匿

了舊牌。持出新牌。則半年未結之案。反以月日
不久。而僥倖免責。官之忙。忙于此也。民之害。亦
害于此也。牌換則差亦換。向時賣猪以獻張虎
止于一兩。今日鬻男以賂李虺。則費二金矣。此
輩遇予而技窮。輒于上司處覓一催牌促之意。
在換新牌。予但提責原差而已。僅于舊牌上。硃
標再叮嚀幾句而已。以故法堂清暇而百姓感
之入骨。

或問衙役狙詐貴鄉特甚何以獨推福清答曰
敝鄉百姓靈極故衙役不敢肆且省會官多覺
察甚嚴福清百姓愚與柔合衙蠹縱橫如入無
入之境間有窮奇大憨又與衙蠹同心併力食
人矣噫

或問子綜覈如是叢怨興謗固所甘心假令巧
者反子所爲亦可遷譽否答曰其怨更甚其謗
滋多蓋盜賊猶可情感福清衙蠹不可恩結也

此輩併此意而窺之末一着作何解法

或問盜賊富家較他邑何如答曰福清多盜賊而又有詐害盜賊者多富家而又有詐害富家者無端興訟曰我被劫去衣飾若干也將案賊盡告將富家盡板其柔者願賠其戾者上控賠者虧折而爲取償之計控者憤恨而肆報復之謀紛紛提解叠叠寢閣事件所以愈不完也

疏問天下之邑惟正堂方可發監乃福清則人

士師矣甚至有斃于囹圄而邑令猶不知者何悖亂如此乎答曰上司關提人犯者不經正堂而委衙官則衙官因各立一監簿有錢者保無錢者監衙役因是以羅織無辜而發監學霸因是以誣陷平民而發監正堂之奸胥惡快因是以稟佐貳稟首領而發監或與禁子相爲表裏而收監其自冤訴枉而呈鳴于堂者卽時查放已用過幾許錢矣不然囚安得上書也

或問閻中孰爲最苦答曰百姓最苦前生惡稔
今生做福建百姓前世業輕今世做福建有司
故予嘗詛呪衙蠹願汝生生世世做我今日之
官。報答百姓可也。

或問如是則福清與地獄等矣答曰不如地獄
有閻羅天子執法。有地藏王菩薩解罪。今茲血
肉之令。能閻羅其貌乎。能菩薩其心乎。權輕則
慢。愆牽則靡。縱乍效風雷之振刷。總以官起見。

而不以良心陰德起見。何益哉。况地獄是是非非。福清是非。非是萬不如也。

或問福清和尚見縣丞不跪。但長揖。有之乎。答曰然。監生在正堂樓臂大罵。有之乎。曰然。四服聽審。稱老公祖。老父母。有之乎。曰然。公孫不避令長轎。有之乎。曰然。攝官燕呂大行。以護送葉政府奉差至也。而土豪禁戲子勿往。有之乎。曰然。呂大行目擊可問也。

諸君之
但信杜
不有
杜
杜

或問閩亦仕國也。福清稱劇邑焉。子何云爾乎。
答曰。人見犀象沉檀之物。皆從閩來。遂指爲善
地。然皆海外物也。惟荔枝佛指柑蘭花。號三絕。
清議之嚴。不如豫章。人工之巧。不及吳越。宜此
者。對子皆有煩言。歸語鄉人。咸疑宦途套話而
不相信。故圖謀入閩者。踵相接也。

或問子向曾令永定矣。何以復來茲土。答曰。善
哉。問長安同藉相勸。從來閩中註誤者。卽畏避。

閩。汝何故復往。予謂惟予適可復往耳。倘前此有聽斷不明者。可對予面而加唾。有暮夜不謹者可罄予篋而取償。然自反無之。何畏避之。有或問永定衙蠹較福清何如。答曰。譚宗師有言。下四府之三等。俱可作上四府之案首。此以文稅論也。至于風俗人心。則反是。夫衙蠹之甚不甚。亦若是則已矣。

或問福清驛書聞子攝篆卽隱去。有之乎。糧書

有司等
上座

戶書日夜憂懼肥者癯哲者黑有之乎答曰然
予初受事陡生發背未幾頭鬚爲白遂飄然棄
官抵家兩月而陞審理矣一片苦心不求人知
而求天知世有天之君子又何可使之不知
天啓乙丑歲福建按察司降補從七品俸照磨
署福清縣事沈遯自署其考祗因不昧良心衙
蠹盡皆切齒若非獨矜苦節巨室豈能相容焚
香聽訟法堂供城隍之神任怨被彈昔年占浮

躁之考。惟求無憾。卽安誓必三黜廼快。

抄白福州府蔣二尊來書

昨姪婿所告詞蒙垂念拘提已獲其人付差役矣而差役至中途徑放之去蓋敝邑之各役其敢於欺公一至此乎伏望嚴究原役拘到監追便可立完而亦不虛臺下之厚意矣伏祈台裁不盡

抄白福州府蔣二尊來書

征塵劫劫不得與世丈快談讀尊集千古隻眼
發覆多矣頃自鎮東抵長樂途中忽有邀入飯
肆者詢之知惠中火竟令與輿皂同室視携具
者一健丐乃傭保也大似嗟來之狀弟故拒之
然不可不聞于台臺希爲一訪恃愛爾爾唯崇
炤

此二事怪甚恐聞者不信特錄其來札爲証據
以見縣役之橫一切有司獲罪于鄉紳上司而

猶不自覺者觸此可瞿然矣

申督學道譚

諱昌言

汀州府永定縣知縣沈遜爲簡舉枉法儒童以
遵憲禁以謹職守事竊惟 朝廷設立提調官
員下不敢侵上猶上不得侵下也以故由縣送
府由府送道各省皆然今卑職忝司永定縣印
于一升有奇名儒童中陸續收取五百五十五
名不爲少矣本府榮任方新未洞舊釀弊竇今

沈氏日日

卷七

三十九初集

據府案所錄有縣冊無名縣試無卷者九名鄭明鳳林周易鄭際昌謝皇猷賴文俊蕭鳴鳳鄭臣輻盧譚拔李應泰是也有已經縣試未經縣取者三名張聚奎饒承暄盧喬春是也有縣試袖卷而出未嘗續取軍館熊突然收錄仍復代考敗露今未除名者二名孔律時王天佐是也今奉府票盧喬春改名盧轉亨盧譚拔改名盧傳元且諭吊取原卷夫業已頂買頂賣何原卷

之有職雖鄉科不才未敢隳提調職守貽後人唾罵寧解綬去官斷不補卷補印以玷官箴謹將枉法儒童姓名開後以絕邪竇爲此具稟

復申譚學道公文

爲去僞童以存眞童足冊數以備遴選事憲臺持正秉公下吏何敢煩瀆但卑職所簡舉作獎儒童十四名蒙本府已查革十三名矣卑職雖蕪陋乎然縣案前列者猶獎遺珠不惟虛憲臺

作人造士之念而永定額數比他縣獨缺不平之鳴將叢詬于卑職矣謹遵憲諭不敢增溢額外亦不敢減損額內仍以孤寒真才十一名補足原冊額數卑職昨已申請本府印卷准附名冊末以備憲臺慧目甄收庶幾事體畫一他縣不得比例紛更永定不致泣玉叢怨爲此具稟此時卽欲飄然棄官幸遇譚凡同先生端人也

不允府請而悉憑縣案故誼無可去苟祿者又

半年焉

祭永定前任令何辰麓文

諱瑄

天啓辛酉作

遞與公桑梓一脈先後同官公溘然長逝已二十二年所矣遞承乏茲邑初聞有林烈女餓死與公家嗣子被劫矐目二冤事甫入境而西坡嶺以風雷示異旋撰文飾扁旌之貞魂慰矣夏秋禾谷兩收雲黃歲美父老嘆未曾有夫所謂調燮陰陽者宋過洩幽憤以快輿情而已論至

此則良有司之調燮與政府不異直廣狹焉耳
今春淫雨廼山邑之恒未幾冰雹損苗大風拔
木遜自揣無咎以速天譴非公之怨毒憤盈必
不至是史遷有云甘棠且思况其人乎隸卒之
賤剽官于旅觀之餘罄其資眇其裔而群爲之
諱宦遊者其懼矣秦真虎狼之國哉雖然天下
公論半出于學校而永定公論全出于庶民所
以使遜得悉此事之顛末者非他人乃庶民也

庶民頌今官之德。因追傷前令之冤。三代直道。
詎泯于人心哉。遞表章烈女與民同好。治公家
之仇。與民同惡。卽不敢自謂民之父母。而調燮
永定者。意在茲乎。公而有知。釋憾此邦。相其穡
事。畀以有年。不第慰遞。亦所以酬民也。

申院道府揭帖。竟以賄脫置之不問。

稟爲元惡久漏。今當速剪。事原任知縣何壇。由
選貢浙江杭州府富陽縣人。與卑職同鄉。萬曆

三十年三月病故于永定、與襯而歸、梟快溫、
智等、以護喪爲名、中途劫槓、悉掠其貲、仍懼其
厥嗣雙目、使爲廢人、以杜告訟、通邑共傷其冤、
而久漏網者、錢神庇之也、然何知縣怨氣不伸、
陰魂不散、每于署中作祟、卑職已撰文祀之、擒
群兇于犴狴矣、非伏電斧轟擊、未快人心、茲除
已故徐君茂陳廷爵何材、不開外謹將元惡姓
名列後

計開

溫積智 戴貞 廖才 鄭至重

廖清 廖至亮 廖國憲 于証 李汝亮

以上計八犯

汀州府永定縣知縣沈遜爲政蹟事卑職視棄
官如棄敝屣視造福如造浮圖揔之知命安命
付毀譽于度外耳筮仕顏有殺孔殺產之謠今
幸日久相信邑士民感悅謹將二月十九起至

九月十九止所行政蹟據實敷陳以備觀風者
之督察倘片語虛誑明神殛之

計開

表章烈女

烈女林靜壹姑西坡嶺人年十四富豪陳仲謀
爲媳以重賄娶其父母陳仲聚應賣倫其子陳
上選蒸婦劉氏卷案昭然通邑所醜靜壹姑絕
粒七日而死此萬曆乙巳歲事陳貨雄性惡埋

沒烈女幽光者已十六年矣庚申二月遞至而
舉人賴維嶽等生員盧日就林際春等公呈鳴
冤卑職先以朱漆金字扁旌之題曰慧烈超凡
鼓吹旌旌賁相望于巖谷而邑中頓知節義茲
將捐俸建祠先爲文以紀之有林烈女祠堂記
刊行

、剪除寇賊

先時邑中苦盜每一夜而四五驚卑職初至卽

將盜牛積賊羅子倖等六犯審得賊証俱真申
文發配無辜釋放者十餘人失主乃廖榮等也
又將積盜黃滿黃細二犯審得賊証俱真申文
發配失主乃生員張鳳翮也邑中從此臥得安
枕士民舉手加額旣而王政和賊黨百餘以所
積狗神壇訟金三百兩貪緣求脫卑職思棄官
爭之相持未決而盜復橫突布商廖汝庄白晝
被劫深山無援竟不知孰爲賊也卑職密偵得

真賊趙四滿范元章范子春等三犯併獲贓布
一十三疋到縣擬徒中道其所扳無辜鄭姓者
審明釋放盜復稍戢

釐剔衙蠹

自吳知縣旣陞衙外市棍冒充書手者甚衆卑
職初至卽時查驗前官所給印帖責革詹可敬
賴近尊等一十八人又續革詐財害民快手廖
宗等二十餘人又續革捕皂捕快鄭富張文簡

兆等二十餘人衙門稍稍嚴肅

賑助貧士

行文儒學公舉貧士又自加採訪斟酌得三十人自捐俸薪馬候等銀周之游弘新等各助二兩賴恩錫等各助一兩皆面封面給不容代領

整葺宮墻

學宮自建邑以來隨修隨圯卑職所因者雖前

官未竟之緒而帑空如洗募諸民民無應者以
孔孟二字不如佛老二氏之動民也卑職捐俸
助遼外所餘無幾茲委曲設處佐以罰鍰新宮
歸然環橋驩悅効勞督工者書手丘一英民快
張以福鄭祿

汰革官價

官價以下奉土原不爲忝卑職豈欲矯情干譽
但小民費于官者有限而衙役乘機狐假者無

沈氏日旦

卷七

四十六初集

限今米薪肉菜等一切悉照民間時價紋銀平買平賣不用硃票先付價後買物而銀色絲紋民心快悅負販者熙攘爭售凡土木工匠等價亦悉與民間同領價者當堂面兌面給

、優卹勇裔

永定開邑于成化間至嘉靖末年兩經寇叛義民許恒信林案等十餘人戰亡從此人懷喪元之懼士氣怯懦卑職搜其苗裔給優卹銀五兩

以倡勇敢方承平無事時預爲未然之慮一旦
有急方可用也

施濟藥石

夏至先一日候屬純陽不當雨而雨正繁露菴
所謂妖雨也卑職抱疫厲之憂捐銀五兩命醫
官歐陽世穆于上杭買藥料製飲片丸散以濟
貧民之病者已而時疾小作貧民賴以救治邑
中德之

沈氏日旦

卷七

四十七初集

、清淨圜圖

邑僻而奸縱捕官捕役與積歇堂役相助爲虐
往往無故擅監平民恐嚇詐財而印官蒙蔽不
聞其相沿久矣卑職訪知痛革此弊獄中舊設
一局乃禁子與重辟牢頭困苦輕犯以嚇財者
卑職躬履其所立刻毀之仍設一鑼置獄中使
受害者擊鑼聲冤囚犯收放皆有監票非重情
不監候捕官不得擅監

完聚仳離

愚民闕辛養之妻徐氏爲符呪所害卑職擬徒
申文使得完聚愚民楊丙生之妻王氏爲貧棍
楊志文拐賣龍巖王侍御侄生員家卑職相俸
九兩移書張令贖回還之使得完聚惟愚民張
元瑞之妻蕭氏爲訪吏徐州貴所奪卑職提出
蕭氏命元瑞領回而元瑞懼禍不敢領則卑職
末如之何矣

、條陳度牒

永定小邑也近例搜納度牒以佐遼餉永定祇
龍歸萬壽等寺三僧共該銀十二兩然必欲解
此僧于千里之外始至府既至省路費煩多禮
房需索刁難千愁萬苦僧人寧死不願往卑職
申文藩司但解銀至省請給免僧人跋涉千里
之外藩司畢成人之美邑民德之

、代輪削免

當今財匱已極不惟裁減役人工食也部文且扣削正途優免矣幸永定科貢出身者少正途無多幾人卑職曲處代輸約銀二十六七兩稍存朝廷待士之禮士論謬許其識體

、公平訊鞫

縣官戀紙贖則偏護原告美生祠則黨護學霸與土豪卑職絕無此想。惟據理剖斷曲直就事論事絕無成心邑民咸服其公

沈氏日日

卷七

甲九初集

、收養遺貧

何謂遺貧各邑孤貧冒濫月糧以致清查裁革
定限名數每一貧物故方許頂補如是則候缺
者何清難俟當轉索于枯魚之肆矣卑職私自
收養不支綱銀今初收跛疾丘滿等數人

、詳慎誣關

閩俗包攬越訴只須附舖兵傳達則人未出縣
境而詞已准于府矣跡未至府門而詞已准于

道矣層累而上以司制道以院壓司光棍告善
良盜賊告失主行關提寃困民于千里之外此
八閩之通局也卑職稔苦此事擇其近似者應
之太甚者停之漳棍陳偉自齋泉司告批海澄
關于上永二縣提犯幾三十餘皆無辜且無因
也卑職將偉痛責三十監候申解守道押還海
澄訖廣東潮州府亦來關富民吳子高等希圖
于路賣放卑職亦屏斥之又積賊嚴希素捏名

嚴仁光告失主林大波于臬司批福府提卑職亦屏斥之

俸膳獄徒

重辟有月糧養命而未配徒囚獨無以故徃徃有餓死於囹圄者貧也非病也卑職自買米付禁子擇其貧而無家屬送飯者養之從此獄無病故者矣

繕治橋途

修建永濟迎恩政平等橋民不病涉修整北城樓以防盜賊道不拾遺士庶懽悅皆哨官盧五昌役滿吏張奇猷効力督工者也

、清覈站務

凡夫價一切當堂面給俱紋銀足數止應實夫嚴禁折乾永定與廣東接界驛遞疲困卑職痛加裁革兵科尹上疏閩廣之間勘合牌票濫行畏東路官覺察皆走西路然則西路官可不加

之意乎蓋指遜也

、嚴禁首領

此輩擅受民詞皆與堂上書快貓鼠同眠以蒙蔽印官今訪得惡快鄭以貴賍証俱確問徒申詳五里之民懽若更生

南贛軍門周應秋獎語

周君原欲劾遜因本省按臺鄭諱宗周者移書

救遜云不佞細觀其人其才大可用也遂改爲獎此本府推官冠諱從化密與遜言者冠亦君子人也

明同照乘之珠才捷吹毛之劍陽煦萬井秋肅

一庭

福建軍門商周祚劾語

商公浙江紹興人明知
選賢無力薦之只得從

府所開而劾語反
似薦語情亦可原

自負才名全憑性氣事體頗能擔荷不難府怨

以任勞施爲或致乖張未免拂人以從欲謗牘

盈街官箴掃地此一臣者所當照浮躁例改教

者也大計時本府知府姚同知熊各有揭帖至

部遂降壹級補今職

既補臬幕月餘通申院司文

爲懇恩乞休以全晚節事遯直懇見黜叨補今
官柰資格所限乙科無經世之權夤緣不工賢
者絕仕貧之路舊例閒散降官每借書差名色
回藉以道素餐之羞然與其留此一線纏綿贈
贈于宦途不如直截痛快徑自浩歸之爲便也
况今水土不服強淹于此受人凌辱士氣何在

欲賦靖節之辭適奏維摩之疾懇恩垂憫賜與
乞休罷職歸去以遂冥鴻之願以慰正丘之懷
銘戴非淺

夢中所得財寶醒來烏有虛者不可執爲實生
時所得財寶死去烏有實者不可還于虛也

積德處可以修名亦可以損名敗德處可以損
名亦可以修名修名處可以積德亦可以敗德
損名處可以敗德亦可以積德知其解者誰乎

沈氏日日

卷七

五十三初集

莊生所謂人之君子天之小人非真人不能爲此語

天地間有陽必有陰有君子必有小人有晝必有夜有人必有鬼倡無鬼之說者其心跡曖昧不可使鬼知鬼覺故云無也無鬼則無地獄無地獄則惡人死去豈不逍遙故以此說自寬耳不然五經皆言祭祀孔子亦云鬼神何必佛老二氏始悉其情狀哉

唐高宗太子弘爲武曌所醜追尊爲孝敬帝廟
號義宗駱賓王討武曌何故漏遺此款元兇莫
大于弑逆豈文人之思未暇及耶大凡露布檄
文須有擒拿如老吏判案手不可帶經生氣
避諱者但當避目前不當避及于古如漢景帝
諱啟史記微子啟作微子開宣帝諱詢以荀卿
爲孫卿明帝諱莊以老莊爲老嚴卞莊爲卞嚴
之類非也至于文帝諱恒因以恒山爲常山假

令祭告五岳本致虔也而翻改易其名神享之
乎故曰山川都邑不以名也此賈生之諷也
天妃廟在在有之此海神也姓林氏福建人永
樂七年正月遣中官鄭和封爲護國庇民妙靈
昭應弘仁普濟天妃建祠于金陵之儀鳳門祀
之其原號乃宋靈惠夫人也恐腐儒悞認爲邪
神效狄梁公毀淫祠而賈禍焉特紀之

沈氏日旦初集卷七畢